

Randi Sjøholt Utkilen  
Utkilen 1  
5953 Fønnes

Utkilen 24.03.2021

Til Austrheim kommune  
v/ Landbrukskontoret, Laila Bjørge

Søknad om deling av driftseining etter Jordlova §12.

Eg søker om å få dele frå GBNR 132/6 frå hovudbruket 132/5, Austrheim kommune.

Bakgrunnen for søknaden, er at eg ønskjer å selje parsellen.

132/6 er ikkje i samband med hovudbruket 132/5, og arealet har ikkje vore i drift på omlag 50 år.

Opprinneleg teig 132/6 vart utskild i 1887, og den vart seinare delt i 2. Gjenverande del av teig 132/6, vart overteken av Alf Arnesen Utkilen ( min svigerfar ) i 1957. På den tid, nytta dei teigen til sommarbeite for 2-3-4 kyr.

Min no avdøde ektemann, Atle Dag Utkilen (f.1955), fortalde at han var omlag 10-12 år når han var med og leidde kyrene « bort i Neset».

Arealet har vore/er attgrodd siste 60 år, sjølv om det vart rydda ein del sitkagran i 2017.

Teigen er lite eigna til landbruksføremål, då den er liten og ligg inneklemt mellom hus og fritidseigedommar, og det er også planlagt oppføring av nye hus i området.

Arealet har heilt klart skifta karakter, og har no liten eller ingen verdi som landbruksareal.

Ei frådelling av teigen frå hovudbruket, vil ikkje få innverknad på vidare drift av hovudbruket.

Teigen ligg ikkje i fysisk tilknytning til 132/5, og både slåtteareal og innmarks- og utmarksbeite-areal på hovudbruket vil ha same kvalitetar som no. 132/5 har eigen tilkomst til sjø.

Eg håper saka kan handsamast snarast, og ber om at de tek kontakt hvis det er noko som er uklart.

Med helsing

Randi Sjøholt Utkilen.